
Yormozorda ham 3 ming metrdan ortiq ichki ko'chalar asfalbt qilindi

"Tashabbusli byudjet" loyihasining 2-bosqichida yormozorliklar ham faol qatnashdilar. Mahalla ahli tomonidan kiritilgan ichki ko'chalarni asfalbtashtirish taklifi qo'llab-quvvatlanib, g'olib bo'ldi.

Mahalladagi 5 ta ko'chalarni ta'mirlash va Gulshan bilan Ipak yo'li ko'chalarining 3 km. uzunligidagi masofasi asfalbtashtirildi.

Bugun Farg'ona shahar hokimi Vosiljon Nazarov hududga tagrif buyurib, amalga oshirilgan ishlar bilan yaqindan tanishdi. Aholi vakillari bilan suxbatlashdi, fuqarolar so'nggi yillarda mahallalar infratuzilmasini yaxshilash bo'yicha salmooli ishlar bajarilayotganidan mammun ekanliklarini ta'kidlab o'tishdi.

Shahar hokimi qurilish tashkiloti mas'ullariga asfalbt chetlarini shag'al va mayda tosh bilan to'Idirish, qayrilishlarni kengaytirish bo'yicha topshiriqlar berdi. Hozirda berilgan topshiriqlar asosida belgilangan ishlar quruvchilar tomonidan bajarilmoqda.

Farg'ona shahar hokimligi Axborot xizmati

2022-12-01 21:45:37